

يااا صغيري

ياللي عودك انشق من عودي
او عي تفكر ان الدنيا
تبقي لك غطاء و ساتر
بيه بتتغطي
يااا صغيري
يااا اخضر يااا ربيعي
ياللي ضاع عمري
في المحن و التجارب
و في المكتوب و المتقدر
الدنيا مش صحبه حلوة
او وجبة و قاعده و لمة
وقت العصاري
او كام جنية
عشان تبقي غني او بيه
الدنيا تلاهي و مقاسي
و اللي بعيد عن ربه
كتير بيقاسي
ياما ناس تاهت كتير

و رجعت بلا زاد و لا زواد
و كتير من الحزن القاسي

ياااا صغيري

يا اللي لونك من لوني
و ريحتك من ريحتي
و عطرك هو عطري
و تحمل كل صفاتي
و غيرتي و جنوني
و قلبك الطيب

لسه صغير

ما تأثر و لا اتغير
او عي تقسيه و حافظ عليه

ياااا صغيري

بكره تكبر

و عودك يبقي اقوي
حاول و كافح من الأول
و كن كل شئ و اكثر
باخلاقك و علمك
ارفع علمك على ارضك
بايدك اليمين و كبر
الله اكبر الله اكبر

و ايدك الشمال على قلبك
سجل دقائقه
سجل نبضاته
حي على الصلاة
حي على الفلاح
الله اكبر
الله اكبر
على كل شيء
خالق الكون
رب العباد
عالم بالمكتوب
و بالمتقدر
الله اكبر